

terris: hæc est illorum, qui aliquid humani patiuntur.

IX. *Subiectio magistratus & pastorum ecclesiae est mutua.* Nam ut ministri Evangelii subiecti sunt magistratui respectu personæ, non ratione officii, cui magistratus obedire debet: sic vicissim magistratus subiectus est ministris Evangelii non ratione officii sui, sed ratione personæ.

C A P I T U L U M XVIII.

De Evangelio.

I **P**osito Evangelio ponitur lex, sed non contra, post autem lege ponitur Evangelium. Ratio est; quia Evangelium præsupponit legem; & simul eam post se requirit. Ibi lex est speculum miseræ, hinc norma gratitudinis. Alia est ratio legis. Nam illa per se & suam naturam non ducit ad Evangelium, sed seipsam est contenta.

II. *Ab obiecto Evangelii indefinito ad obiectum definitum non valet argumentatio.* Obiectum indefinitum sunt omnes vocati; definitum, soli electi & fideles. Illis offertur gratia *πρὸς ἀναπολογία*: his *πρὸς σωτηρίαν*.

III. *A mandatis, promissionibus, & comminationibus Evangelicis ad legales, & à legalibus*